



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1230. Usque Ad Annum 1248

**Fleury, Claude**

**August. Vind. [u.a.], 1764**

**VD18 90118049**

§. 41. Concilium Biterrense. Inquisitio.

---

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

**Sæcul. XIII.** *in gratiam tot millium sacrae peregrina-*  
**A.C. 1246.** *tionis ergo transitum maris facilem oppo-*  
*rientium, aut potius ob emolumentum totius*  
*Ecclesiæ. Recipe Principem, qui se demit-*  
*tit, & imitare clementiam illius, cujus vi-*  
*carius in terra es! Papa se erigens in*  
*repulsa perstitit: & Rex ejus duritiam*  
**Matth. Par.** *indignatus abiit. Hic tamen probabili-*  
**p. 620.** *ter congressus erat, in quo Rex a Papa*  
*omnium Regni sui proventuum Ecclesia-*  
*sticorum partem decimam ad sustinendos*  
*transmarini itineris sui sumptus obtinuit;*  
*sed & plures ejusmodi decimas intra re-*  
*giminis sui spatium impetravit.*

## §. XLI.

*Concilium Biterrense. Inquisitio.*

**to. XI. Conc.** **G**uilielmus Delabrovius Archiepis-  
**p. 676. 688.** *copus Narbonensis, qui anno priore Pe-*  
*tro Amelino successerat, hoc anno 1246.*  
*die Jovis post octavam Paschatis 19 A-*  
*prilis concilium Biterris habuit, cui in-*  
*tererant octo ejus Suffraganei, Raymun-*  
*dus Tolosanus, Clarus Carcaffonensis,*  
*Berengarius Helenensis, Guilielmus Lu-*  
*tevanus, Petrus Agathensis, Raymundus*  
*Biterrensis, Raymundus Nemaufensis,*  
*ac Pontius Uzeriensis, & Abbates, cæ-*  
*terique provinciæ Præsules. Hoc in con-*  
*cilio editæ sunt sex & quadraginta san-*  
*ctiones, quarum quindecim priores ad*  
*hære-*



hæreticos spectant, & maximam partem Sæcul. XIII.  
e prioribus conciliis repetuntur: multæ A.C. 1246.  
ad executionem concilii Lateranensis sub  
Innocentio tertio celebrati, multæ ad con-  
servanda Ecclesiæ jura pertinent.

Frâtes Prædicatores, in provinciis p. 688.  
Arelatensi, Aquensi, Embrodunensi, ac  
Viennensi constituti a Papa Inquisitores,  
hujus concilii Præsules consulebant, qua  
ratione munus sibi suum exercendum es-  
set. Concilium jussu Papæ longum eis  
præscriptum dedit triginta septem pun-  
cta continens ac simile illi, quod unde-  
cim abhinc annis, scilicet anno 1235 con-  
cilium Narbonense in pari casu consecra-  
rat. Et hæc sunt fundamenta rationis  
agendi, quæ in tribunalibus inquisitionis  
ex eo tempore observata fuit. Vide sum-  
mam præscriptionis a concilio Biterren-  
si conditæ! In territorio vestræ inquisi-  
tionis eligitis locum, in quem Clericos  
& populum congregatis: & habebitis  
sermonem, in quo vestrum officium ex-  
plicabitis, ac hujus litteras legetis: tum  
omnes, qui se de hæresi reos sentiunt,  
vel alios hac in re fontes cognoscunt, in-  
tra certum spatium, quod tempus gra-  
tiæ dicetis, ad declarandam veritatem  
coram vobis comparere jubebitis. Qui  
huic mandato paruerint, effugient pœ-  
nam mortis, perpetui carceris, exilii, &  
publicationis bonorum. Curabitis, ut

Sup. Lib.  
LXXX.  
c. 51.

v. Direct.  
Inquis. par.  
3. p. 407.

c. 1. 2.

c. 4.

c. 5.

K k 5 jus-



**Sæcul. XIII.** jusjurandum interponant; ut eorum  
**A.C. 1246.** confessiones ac testimonia vir publico  
 fungens munere litteris consignet, ut illi,  
 qui se velle reverti ad Ecclesiam dixerint,  
 falsas opiniones suas ejurent, faciantque  
 promissum vobis jubentibus detegendi  
 hæreticos ac infectandi. Nominatim  
 accersatis eos, qui se vobis intra tempus  
 gratiæ non stiterint: ac errata edoctis  
 sua defendendi se libertatem, ac legiti-  
 mas dilationes permittetis. Nisi recte  
 se defenderint, & sint facti errores suos,  
 sine misericordia, etiamsi Ecclesiæ arbi-  
 trio se submitterent, condemnabitis.

**c. 14.** Tum, quid contumaciter absentibus  
 fieri debeat, statuitur. Deinde additur:  
 Hæreticos Declaratos seu Vestitos cor-  
 ram viris Catholicis & prudentibus se-  
 creto examinabitis, & ad Religionem  
 sanam per lenitatem adducere pro viri-  
 bus conabimini: nam istius modi homi-  
 nes multum lucis ad hoc negotium at-  
 tulere. Si obstinati permaneant, eos  
 errata sua fateri publice ad horum dete-  
 stationem cogetis: postea reos damna-  
 bitis in præsentia civilium Magistratum,  
 eorumque ministris relinquetis. Ad per-  
 petuos carceres condemnabitis hæreti-  
 cos post sui damnationem relapsos, fu-  
 gitivos, qui redire voluerint, & illos, qui  
 non nisi post tempus gratiæ comparue-  
 rint, aut suppresserint veritatem. Nihilominus



minus post aliquod captivitatis tempus <sup>Sæcul. XIII.</sup> pœnam commutare poteritis de consilio <sup>A.C. 1246.</sup> Episcoporum, quibus obnoxii sunt, postquam vobis de complenda pœnitentia sua satisdederint. Hi captivi parvis in cubiculis separatis erunt ita, ut nec alios inclusos, nec extraneos depravare possint.

c. 23.

Illis, qui non includi debebunt, in pœnam injungetis, ut per certum tempus seu per se, seu per alios, cis vel trans mare, contra Saracenos aut hæreticos, cæterosve Ecclesiæ hostes fidem defendant; ut in veste superiore geminas cruces flavas, alteram anterior, a tergo alteram portent; ut Dominicis ac festis diebus sacro, vesperis, & concioni adsint, atque inter Epistolam & Evangelium Sacerdoti cum virgis in manu se sistant; Sacerdos autem, postquam eos castigaverit, exponet populo, ob qualem hæresin hanc pœnam subeant. Et postea: Curabitis, ut bona hæreticorum, qui vel condemnati, vel carceri inclusi fuerint, publicentur; ut illis, qui eos comprehenderit, merces solvatur; ut observentur omnia, quæ ad extirpandam hæresim, & ad propagandam fidem pertinent; inter alia, ut libros Theologicos laici ne latino quidem in sermone, ipsique Clerici vernacula in lingua non habeant.

c. 26.

c. 35.

c. 36.

§. XLII.